

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), člana 43. stav (6) Odluke o osnivanju Javnog preduzeća „Televizija Zeničko-dobojskog kantona“ d.o.o. Zenica („Službene novine Zeničko-dobojskog kantona“, broj: 10/25) na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 117. sjednici, održanoj 13.02.2026. godine, d o n o s i

## **O D L U K U**

**o utvrđivanju visine mjesečne neto plaće  
direktora Javnog preduzeća „Televizija Zeničko-dobojskog kantona“ d.o.o. Zenica**

### **Član 1.**

#### **(Predmet Odluke)**

Ovom odlukom utvrđuje se visina mjesečne neto plaće direktora Javnog preduzeća „Televizija Zeničko-dobojskog kantona“ d.o.o. Zenica (u daljem tekstu: JP TV ZDK), imenovanom na kraći period Odlukom Nadzornog odbora JP TV ZDK, broj: 12-30-18354/25-02-2 od 09.01.2026. godine.

### **Član 2.**

#### **(Visina plaće)**

(1) Direktor Javnog preduzeća „Televizija Zeničko-dobojskog kantona“ d.o.o. Zenica imenovanom na kraći period Odlukom Nadzornog odbora JP TV ZDK, broj: 12-30-18354/25-02-2 od 09.01.2026. godine utvrđuje se mjesečna neto plaća u iznosu od 3.500,00 KM.

(2) Plaća iz stava (1) ovog člana utvrđena je imajući u vidu status Preduzeća kao javnog preduzeća u osnivanju, složenost i odgovornost poslova rukovođenja i organizovanja rada Preduzeća, uporednu praksu utvrđivanja plaća direktora javnih preduzeća i ustanova čiji je osnivač Zeničko-dobojski kanton i Federacija Bosne i Hercegovine, te fiskalne mogućnosti i racionalno upravljanje javnim sredstvima.

### **Član 3.**

#### **(Ostala prava)**

Direktoru JP TV ZDK pripadaju i druga prava iz radnog odnosa u skladu sa zakonom, kolektivnim ugovorom i općim aktima JP TV ZDK.

### **Član 4.**

#### **(Period primjene)**

Ova odluka primjenjuje se za vrijeme trajanja mandata direktora imenovanog na kraći period, a najduže do konačnog imenovanja direktora JP TV ZDK, u skladu sa zakonom.

**Član 5.**  
**(Stupanje na snagu)**

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-30-2820/26  
Datum, 13.02.2026. godine  
Zenica

**PREMIJER**

***Nezir Pivić***

**DOSTAVLJENO:**

1x Ministarstvo za prostorno uređenje, promet i komunikacije i zaštitu okoline,  
1x JP TV ZDK, putem Ministarstva,  
1x „Službene novine Zeničko- dobojskog kantona“,  
1x a/a.